



Bosna i Hercegovina
Federacija Bosne i Hercegovine
Kanton Sarajevo
Sarajevo, Obala Kulina Bana 9
tel: +387 33 445 138
e-mail: nps@bih.net.ba
website: www.nps.ba
URED DIREKTORA
Sarajevo, 21.12.2010.godine

USVOJEN GODIŠNJI IZVJEŠTAJ O RADU JU NARODNO POZORIŠTE SARAJEVO

Jučer je u Narodnom pozorištu Sarajevo održana sjednica Upravnog odbora JU Narodno pozorište Sarajevo.

Sjednica kojom je predsjedavao profesor Dževad Šabanagić, predsjednik Upravnog odbora JUNarodno pozorište Sarajevo analizirala je programske sadržaje Drame, Opere i Baleta JU Narodno pozorište Sarajevo u 2010.godini.

U toku 2010.godine konstatovano je da je izvedeno 10 premijernih programa, da je Balet imao 2 premijere, Opera 2 premijere i dva premijerna koncerta i Drama 4 premijere, od čega jednu na Maloj sceni *EnFace*.

Drama NPS imala je na repertoaru 16 naslova, a izvela je 96 predstava (75 u kući i 21 na gostovanju). Predstave Drame je gledalo ukupno 23.162 posjetitelja.

Opera NPS na repertoaru je imala 9 naslova, izvela je 19 predstava, a operne izvedbe je vidjelo 5.725 gledalaca.

Baletna produkcija u *Kući na Obali* bila je zastupljena sa 7 naslova, izvedeno je 19 predstava, a predstave je vidjelo 4.820 posjetitelja.

Svi umjetnički ansambli *Kuća na Obali* izveli su u ovoj godini 134 predstave.

Konstatovano je da su predstave NPS gostovale u: Cazinu, Užicu, Mostaru, Tuzli, Bjelovaru, Zenici, Zagrebu, Jajcu, Bihaću, Budvi, Strumici, Kumanovu, Trstu, Kragujevcu i Brčkom.

Produkcija Narodnog pozorišta Sarajevo ispunjavala je programe festivala: Bez prevoda u Užicu; Festivala komedije Mostarska liska; BOK festivala u Bjelovaru, Dana Sarajeva u Beogradu; Festivala bh.drame u Zenici; Festivala Dani sarire u Zagrebu; Pozorišnih-kazališnih igara BH u Jajcu; Festivala scenskih umjetnosti Bihaćko ljetno; Festivala Grad teatar u Budvi; 18.internacionalnog festivala Risti Šiškov u Strumici; Primorskog poletnog festivala u Trstu; V međunarodnog pozorišnog festivala malih scena JoakimFest u Kragujevcu; XV jugoslavenskog festivala Bez prevoda u Užicu; Tuzlanskih pozorišnih dana u Tuzli i Susreta pozorišta/kazališta BiH u Brčkom.

U isto doba u Narodnom pozorištu Sarajevo izvedena su tri gostovanja (Narodno pozorište Tuzla, Gradsko pozorište Kocceli iz Turske i Atelje 212 iz Beograda) kojima je prisustvovalo 1.540 gledalaca.

Kuća na Obali bila je i poprište 15 teatarskih programa Internacionalnog teatarskog festivala MESS. Sarajevska zima je bila obuhvaćena sa 8 programa, a Sarajevska filharmonija je izvela 12 koncerata.

Najelitniji dio programa Sarajevo Film Festivala izveden je, takođe, u Narodnom pozorištu Sarajevo, a po prvi puta bio je izveden i Balet Fest.

U Narodnom pozorištu Sarajevo izvedeno je i 59 različitih drugih programa, izložbi, promocija, susreta, razgovora...

U foajeima *Kuće na Obali* bilo je 9 izložbi i promocija knjiga.

U ovom periodu predstave Narodnog pozorišta Sarajevo, učestvujući na različitim festivalskim manifestacijama donijele su priznanja glumcu Mirvadu Kuriću, redatelju Gorčinu Stojanoviću, glumcima Aleksandru Seksanu i Erminu Sijamiji, glumici Medihi Musliović, glumcu Muhamedu Hadžoviću, glumici Nadi Đurevskoj...

Nagrada *Isa-beg Ishaković*, u kategoriji umjetnosti, pripala je umjetničkoj direktorici Baleta Edini Papo.

Upravni odbor JU Narodno pozorište Sarajevo ocijenio je sadržajnim, dobro provedenim programom ovogodišnje produkcije Narodnog pozorišta Sarajevo, ističući posebno neke od događaja, kao što su Verdijev *Requiem i Bal pod maskama*, *Labudovo jezero* Čajkovskog, kao i uspjehe koprodukcijских projekata: *Crveno*, *Sarajevska pozorišna tragedija* i praizvedba Jažićeve *Simfonice Islamice*.

Istaknuta je i činjenica da se nastavlja suradnja sa nekim festivalskim manifestacijama kao što su MESS i Sarajevska zima, sa tendencijom daljeg jačanja iste...

Upravni odbor JU Narodno pozorište Sarajevo usvojio je i Inicijalni materijal za dalje razgovore o obilježavanju 90 godina postojanja i rada JU Narodno pozorište Sarajevo.

Dogovorene su aktivnosti oko dalje realizacije ovog Programa.

Upravni odbor JU Narodno pozorište Sarajevo uputit će u narednom periodu ozbiljnu analizu o finansijskoj depresiranosti središnje teatarske kuće u Bosni i Hercegovini ministarstvima, zastupnicima vlasti na svim razinama, kao i Predsjedništvu BiH.

PRESS SLUŽBA NARODNOG POZORIŠTA SARAJEVO